

11-АПТА. САУДА ОРТАЛЫҚТАРЫНДА.

Лексикалық тақырып: Сауда орталықтарында. Қоғамдық орындарда коммуникацияға қатысу: дүкенде, сауда орталықтары. Өзіне қажетті азық-түлікті сұрай білу, ақпаратты нақтылау.

Грамматикалық тақырып: Ілік септігі (меншіктік мағынаны білдіруі) Шығыс септік (іс-қимылдың шығу нүктесін білдіруі)

ГРАММАТИКАЛЫҚ ТҮСІНІКТЕМЕ

Ілік септігі кімнің? ненің? деген сұрақтарға жауап беріп, меншіктік мағынаны білдіреді және ол тәуелдік жалғаулы сөзбен байланысты болып келеді. Мысалы: Менің алған бағам осы болды. Сенің әпкең Алматыда тұра ма?

Шығыс септігі кімнен? неден? қайдан? деген сұрақтарға жауап беріп іс-қимылдың шығу көзін (нүктесін), басталар орнын білдіреді. Мысалы: үйден шықты; ғаламтордан алынған мәлімет; ақшаны анамнан алдым.

ТЫҢДАЛЫМ-АЙТЫЛЫМ

1-тапсырма. Талқылауға арналған сұрақтар:

1. Сауда дегеніміз не?
2. Біз сауданы қайда жасаймыз?
3. Қандай сауда орталықтарын білесіздер?
4. Сіз сауда жасайсыз ба?
5. Сауда жасағанда тек қажетті заттарды ғана аласыз ба?
6. Ақшаны үнемдеп сауда жасай аласыз ба?

ЖАЗЫЛЫМ

2-тапсырма. Тақырыпқа қатысты сөздер мен сөз тіркестерімен танысыңыз. Сөйлем құрастырыңыз.

Сауда орталығы, сауда үйі, дүкен, әмбебап дүкен, сатушы, тұтынушы, жиі, сирек, үнемі, қамқоршы, сыпайы, сөре, жеңілдік, онлайн сауда жасау, онлайн дүкені, түбіртек.

3-тапсырма. Төменде берілген тақырыптарға сұхбат құрастырыңыз.

1. Киім дүкенінде
2. Төсек-орын дүкенінде
3. Азық-түлік дүкенінде
4. Жеміс-жидек, Көкөністер дүкенінде

5. Парфюмерлік-косметикалық тауарлар дүкенінде
6. Телефон аксессуарлары дүкенінде
7. Ойыншықтар дүкенінде
8. Дәріханада
9. Сұлулық салонында
10. Мейрамханада
11. Техникалық тұрмыстық құралдар дүкенінде.

ОҚЫЛЫМ-АЙТЫЛЫМ

4-тапсырма. Мәтінді оқып, өз ойыңызбен жалғастырыңыз.

Біздің қаламызда дүкендер, әмбебап дүкендері, сауда үйлері өте көп. Үйіміздің қасында үлкен сауда орталығы бар. Сіздің өзіңізге бір зат алғыңыз келсе, сауда орталығына барасыз, өйткені мұнда балалардың ойыншықтарынан бастап, ине-жіпке дейін сатады. Бұл өте қолайлы, үйге қажетті заттарды бір-ақ жерден алуға болады. Сауда орталығымыз үлкен, үш қабатты, іші кең, тамаша. Бірінші қабаттан жоғары қабаттарға эскалатормен көтерілуге болады. Сауда қолма қол сатып алу - сату арқылы тауарларды өткізетін шаруашылық сала.

5-тапсырма. «Сауда жасаймын» тақырыбына әңгіме құрастырыңыз.

6-тапсырма. Екі бағандағы сөз тіркестерді сәйкестендіріңіз және аударыңыз.

- | | |
|---------------------------|-----------------------------|
| 1. Мен сауда | 1. сауда орталығына барамын |
| 2. Бүгін анаммен | 2. жасай аламын |
| 3. Үйдің қасында | 3. үлкен әмбебап дүкені бар |
| 4. Базарда жеміс-жидектер | 4. қымбат емес, арзан |